

# **REFERAT MIA - Meeqqanut Ilaqutariinnullu Ataatsimiititaq d. 11-03-2021**

**Mødedato** Torsdag d. 11. marts 2021 kl. 18:00

**Mødested** Kommunalbestyrelsesip ataatsimiittarfia

## Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Suliat Aningaasaqarnermut Inuussutissarsiornermullu Ataatsimiititamut Kommunalbestyrelsimullu	8
Qimarnguik – Arnanut meeqqanullu persuttagaasimasunut qimarnguik katsorsartinnissamillu neqer	9
Meeqqat Angerlarsimaffiannik Prinsesse Margrethemik tigusineq.....	12
Taasariaqartut allat.....	16
Lukket.....	17
Lukket.....	18
Imaqarniliap akuerineqarnera.....	19

## **Punkt 0: Saqqaa**

Uju Petersen (IA), siulittaasoq.

Storm Ludvigsen (IA)

Inge Olsvig Brandt (IA)

Knud Mathiassen (IA)

Ane Egede Mathæussen (S)

### **Beslutning**

Ataatsimeeqataasut: Uju Petersen (IA) Inge Olsvig Brandt (IA) Storm Ludvigsen (IA) Ane Egede Mathæussen (S)

Oqarasuaatikkut: Knud Mathiassen (IA) Martha Lund Olsen (Pisortaq)

# **Punkt 1: Oqaluuserisassat akuerineqarneri**

## **Beslutning**

Oqaluuserisassat akuersissutigineqarput

## **Punkt 2: Nalunaarutit**

2a. Siulittaasumit nalunaarutit

2b. Ingerlatsivimmit nalunaarutit

### **Beslutning**

Soqanngilaq

## **Punkt 3: Ilisimatitsissutit**

## **Punkt 4: Aalajangiiffigisassat**

**Punkt 5: Suliat Aningaasaqarnermut Inuussutissarsiornermullu  
Ataatsimiititamut Kommunalbestyrelsimullu ingrlateqqitassat**

## **Punkt 05A: Qimarnguik – Arnanut meeqqanullu persuttagaasimasunut qimarnguik katsorsartinnissamillu neqeroorut**

### **Beslutning**

Ilisimatitsissut tusaatissatut tiguneqarpoq, Aningaasaqarnermut Inuussutissarsiornermullu ataatsimiitsitamut ilisimatitsissutitut ingerlateqqinneqarlunilu

### **Bilag**

Qimarnguimmut suliniummut allaaserisaq

## **Qimarnguik – Arnanut meeqqanullu persuttagaasimasunut qimarnguik katsorsartinnissamillu neqeroorut**

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – pisortaq Martha Lund Olsen / MLOL

### **Suliassamik eqikkaaneq**

Meeqqanut Ilaqutariinnullu Sullissivik Nuummi qimarnguimmut pioreersumut periusissiamik nutaamik ineriartortitsivoq. Pinartumik inisimmaveqartarnerup atuuttup qaammatinik pingasunik sivissusillip saniatigut katsorsaaneermik qaammatinik arfinilinnik sivissusilimmik qimarnguik massakut aamma neqerooruteqalerpoq. Taamatuttaaq qimarnguup ilua qaamanerulersillugu angerlarsimaffippalaanerulersillugulu nutarterneqarpoq.

2020 tamakkerlugu qimarnguup ineriartortinneqarnera sulissutigineqarpoq massakkullu Meeqqanik Ilaqutariinnullu Sullissivik inaarutaasumik inernerit saqqummiunnissaannut piareerpoq.

### **Inassuteqaat**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigaa:

- qimarnguimmut siunertarisap annertusineqarnissaa pillugu ilisimatitsissut tusaatissatut tiguneqassasoq
- ilisimatitsissut Aningaasaqarnermut Inuussutissarsionermullu Ataatsimiititamut ilisimatitsissutitut ingerlateqqinneqassasoq

### **Suliassamik saqqummiussineq**

Qimarnguik maannakut aqqissuussaaneermi 2003-mili Nuummi Meeqqanut Ilaqutariinnullu sullissivimmut ilaavoq. Arnat qimarnguimmi inisimasut massakkumut oqaloqatigiinnernik siunnersorneqarnenillu neqerooruteqarfigineqartarput. Taamatuttaaq arnanut tapersersoqatigiinnissamik neqerooruteqartoqartarpoq.

Kommuneqarfik Sermersuup qimarnguup neqeroorutaasa annertusinerisigut meeqqat angerlarsimaffimmi nakuuserfiusartumi peroriartornerminni atugaasa pitsanngortinnissaat kissaatigaa.

Qimarnguik taamaallaat pinartumik inisimatitsivittut piffissamilu sivikitsumi oqaloqatiginiffittut neqeroorutaannaajunnaassaaq. Qimarnguik aamma arnamut piffissami sivissusillip nakuuserarnerup kinguneranik ajoqutaasinnaasunik ilisimasaqarnerulernissamut periarfissaassaaq, taamaalilluni arnap nakuuserfiunngitsumi inuuneqarnissamut aallariarsinnaanera annertusisinneqassalluni. Taamaattumik qimarnguik massakut katsorsaaneermik qaammatinik arfinilinnik sivissusilimmik katsorsaaneerullu kingorna malinnaavigineqarnissamik taamatuttaaq sivissusilimmik aqqissuussamik neqerooruteqalerpoq.

Katsorsaaneq arnap qimarnguiullu suleqatigiinnerannik tunngaveqassaaq. Neqeroorutaanerata erseqqissarnissaa pingaaruteqarpoq. Taamaattumik arnap nammineq piumassuseqarnissaa pissutsinillu allannguerusunnissaa katsorsaaneramik aallartitsissagaanni pingaaruteqarpoq.

Suliniutit annertusitinneranni angerlarsimaffimmi nakuusertarnerup unitsinneqarnissaa taamaalillunilu nakuuserfiusartumi meeqqat ikinnerusut peroriartornissaannut tapersiisoqarnissaa anguniagaavoq.

### **Qimarnguimmi pinartumik inisimmaveqartarnermi/najugaqartarnermi sullinniakkat tassaapput:**

- Arnat (meeqqallu 17 tikillugit ukiullit) timikkut, tarnikkut nakuuserfigineqarsimasut, pigisatigut aamma/imaluunniit aningaasaqarnikkut, atonerlugaasimasut.

### **Katsorsaanissamik neqerooruteqarnermi sullinniakkat tassaapput:**

- Ilaqutariit meerallit. Nakuuserfigineqarsimasoq nakuusertorlu sullinniagaapput. Illuatungeriit katsorsarneqarnissamik soqutiginnippata ilaqutariinnut tamanut katsorsaaneq aallartinneqarsinnaavoq.

### *Aaqqiissutissatut siunnersuut – suliatigut naliliineq*

Qimarnguimmi neqeroorutit annertusinerisigut arnat angerlarsimaffimmi nakuusertarnermit ingerlariaqqinnissaat ungasinnerusorlu eqqarsaatigalugu meeqqat ikinnerusut nakuuserfiusartumi peroriartornissaat taperserpeqassasoq Meeqqanut Ilaqutariinnullu Ingerlatsivik suliatigut naliliivoq.

### *Aningaasatigut sulisoqarnikkullu naliliinerit* Soqanngilaq.

### *Inatsisitigut tunngavissaq allakkallu tunngaviusumik uppersaatitallit*

- o Meeqqat Ilaqutariillu inuuniarnermikkut ajornartorsiuteqartut pillugit politikki 2020-2024

### *Ingerlariaqqinnissaq*

17/2-2020-mi Qimarnguik "nutaaq" pisortatigoortumik ammarneqassaaq.

### **Aningaasaqarnermut Allatseqarfimmit oqaaseqaatit**

Qimarnguiup najoqqutassaa nutaaq Meeqqanut Ilaqutariinnullu Ingerlatsiviup missingersuutaasa iluanni ingerlanneqarsinnaasoq nalilerneqarpoq. Missingersuutini aningaasaliissutigineqartut iluanni qimarnguik ilaqutariinnut sisamanut arnanullu kisimiittunut arfineq pingasunut nutaatut katsorsaanissamut tunngatillugu neqerooruteqarnissaminut aningaasaateqarpoq.

### **Innuttaasunik peqataatitsineq/attaveqatigiinneq** Soqanngilaq.

### **Ingerlatsivinnit allaniit oqaaseqaatigineqartut**

Ingerlatsivinnit allanit oqaaseqartitsiniartoqanngilaq.

### **Ilanngussat**

1. Qimarnguummut suliniummut allaaserisaaq

## **Punkt 05B: Meeqqat Angerlarsimaffiannik Prinsesse Margrethemik tigusineq**

### **Beslutning**

Inassuteqaat siluuleq: akuersissutigineqarpoq

Inassuteqaat aappaat: ataatsimiititaliap aaliangerpaa Nasippiup aamma Qaaliap Kommuneqarfik Sermersuumit tiguneqarnissaannut suliaq Suliffeqarnermut Isumaginninnermullu ingerlatinneqassasoq

Inassuteqaat pingajuat: Inassuteqaat akuersissutigineqarpoq

## **Meeqqat Angerlarsimaffiannik Prinsesse Margrethemik tigusineq**

Aalajangiiffigisassaq

J.nr.: 42.00

Meeqqanut Ilaqutariinnullu Ingerlatsivik – pisortaq Martha Lund Olsen / MLOL

### **Suliassamik eqikkaaneq**

Tasiilami meeqqanut inuusuttunullu neqeroorutit Meeqqanut Ilaqutariinnullu Ingerlatsivimmit qangalili annertusineqarnissai kissaataalersimavoq. Tamatumunnga atatillugu Tasiilami najugaqarfiutigaluni katsorsartinnissamik neqeroorutip pilersinnissaanut Meeqqanut Ilaqutariinnullu Ingerlatsivimmit suliniutigineqalerpoq. Illunik atorsinnaasanik peqannginneq pissutigalugu, najugaqarfiutigalugu katsorsaannissamut neqeroorutip pilersinnissaa illut Meeqqat Angerlarsimaffiannit Prinsesse Margrethemit pigineqartut pillugit Namminersorlutik Oqartussanik aamma Isumaginninnermut Aqutsisoqarfimmik suleqatigiinneq apeqqutaasimavoq.

Maanna Meeqqat Angerlarsimaffiat Prinsesse Margrethe pillugu isumaqatigiissutaasinnaasoq Meeqqanut Ilaqutariinnut Ingerlatsiviup Namminersorlutik Oqartussallu akornanni anguneqarpoq. Tamakkiisumik aaqqiissuteqarnissaq anguniarlugu allaffissornerlu annikillisarfiarlugu siunnersuutigineqarpoq, illut Meeqqat Angerlarsimaffiat Prinsesse Margrethemit pigineqartut tamaasa Kommuneqarfik Sermersuumit attartorneqassasut Meeqqat Angerlarsimaffiat Prinsesse Margrethellu kommunimi neqeroorutitut ingerlanneqarnera tigullugu. Meeqqat Angerlarsimaffiat Prinsesse Margrethemiiportaaq inersimasunut innarluutilinnut immikkoortoq.

Taamaaliornikkut Tasiilami meeqqat inuusuttullu pillugit tamakkiisumik aaqqiissutissat pisariaqartut kommunimit isumagineqarsinnaalissapput.

### **Inassuteqaat**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigaa:

- Meeqqat Angerlarsimaffiat Prinsesse Margrethe tigusissaa Meeqqanut Ilaqutariinnullu Ingerlatsiviup Isumaginninnermut Aqutsisoqarfik suleqatigalugu sulissutigissagaa Meeqqanut Ilaqutariinnullu Ataatsimiititap akuersissutigissagaa
- Nasippiup aamma Qaaliap Kommuneqarfik Sermersuumit tiguneqarnissaannut isummertoqassasoq Meeqqanut Ilaqutariinnullu Ataatsimiititap Suliffeqarnermut Isumaginninnermullu Ataatsimiititamut innersuussutigissagaa
- suliaq aalajangiiffigisassatut Aningaasaqarnermut Inuusutissarsiornermullu Ataatsimiititamut ingerlateqqinneqassasoq

### **Suliassamik saqqummiussineq**

Meeqqanut Ilaqutariinnullu Ingerlatsiviup najugaqarfiutigisumik katsorsartinnissamut neqeroorummik pilersitserusunnermut atatillugu Ingerlatsiviup Namminersorlutik Oqartussat siullermik ukiut marlussuit matuma siorna attaveqarfigai. Tamatuma kingorna Meeqqat Angerlarsimaffiat Prinsesse Margrethep illut pigisaasa imaqaanngitsut attartornissaannut periarfissat pillugit ataavartumik oqaloqatigiittoqarpoq.

Tasiilami inuusuttunut 14-iniit 18-inut ukiulinnut najugaqarfiutigalugu katsorsaanissamut neqeroorummik pilersitsinissaq Ingerlatsivimmit tassaaniikuvoq anguniarneqartoq. Eqqarsaataaqqaarpoq neqerooruteqarnermi kommunip illu pigisaa B-1146 illullu Meeqqat Angerlarsimaffiat Prinsesse Margrethemit pigineqartut atussallugit, pingaartumik; illu marlunnik najugaqarfitalik, tamarmik immikkut sisamanik sinittarfillit, aamma timersortarfik pedelimullu illu.

Kommuneqarfik Sermersooq siuliani illut taaneqartut attartornissaat siunertaralugu Borgmesteri, Charlotte Ludvigsen, sinnerlugu Naalackersuisumut, Martha Abelsenimut, 2020-mi decembarip qaammataani saaffiginnissuteqarpoq. Namminersorlutik Oqartussat akissuteqarnerminni pitsaasutut isigivaat, taamaattoq Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. 1, 25. januaari 2019-imeersoq naapertorlugu Isumaginninnermut Aqutsisoqarfik akuersiteqqaarneqassaaq. Taamaammat Meeqqanut Ilaqutariinnullu Ingerlatsiviup qinnuteqarnissamut najoqqutassaq suliaralugu aallartippaa 2021-milu februaarip aallartinnerani qinnuteqaat nassiullugu.

Naalackersuisup, Martha Abelsenip, saaffiginnissut ulloq 8. februaari 2021-mi kiisami qisuariarfigivaa. Isumaginninnermut Aqutsisoqarfik isumaqatigeriarlugu illut tamaasa Meeqqat Angerlarsimaffiat Prinsesse Margrethellu ingerlannerata Kommuneqarfik Sermersuup tigussagai Namminersorlutik Oqartussanit siunniunneqarpoq.

Meeqqanut Ilaqutariinnullu Ingerlatsivimmut ima kinguneqassaaq, sulisut aamma Meeqqat Angerlarsimaffiat Prinsesse Margrethep immikkoortortaqaarfeeraa tallimanik meerartalik Kommuneqarfik Sermersuomit ingerlatsinertaa tiguneqassasoq. Namminersorlutik Oqartussat Isumaginninnermullu Aqutsisoqarfiup oqaloqatigineri tunngavigalugit, Meeqqat Angerlarsimaffiat Prinsesse Margrethemiittup immikkoortortaqaarfiup pioreersup ingerlatsinertaa Meeqqanut Ilaqutariinnullu Ingerlatsivimmit tiguneqarusuppoq kiisalu meeqqat angerlarsimaffianni meeqqat 7-18-nillu akornanni ukiullit inuuniarnikkut ilungersunartorsortut isumagineqarsinnaaniassammata immikkut immikkoortortaqaarfiliortoqarluni. Meeqqat angerlarsimaffianni inissat 18-inut amerlassusiligaapput.

Meeqqat Angerlarsimaffiat Prinsesse Margrethemiipportaaq inersimasunut innarluutilinnut immikkoortoq. Meeqqanut innarluutilinnut ulloq unnuarlu paaqqinnittarfimmik kommune ingerlatseqqusaannginnami ingerlatsinertaa Kommuneqarfik Sermersuup tigussappagu Isumaginninnermut Aqutsisoqarfik isumaqatigiissuteqarfigalugu innarluutilinnut immikkoortoq najugaqatigiiffingortillugu allangortinneqassaaq. Meeqqat Angerlarsimaffiat Prinsesse Margrethemik tigusinermi najugaqatigiiffiup ingerlanneqarnera Suliffeqarnermut Isumaginninnermullu Ingerlatsiviup akisussaaffeqarfianiissaaq.

#### *Aaqqiissutissatut siunnersuut – suliatigut naliliineq*

Tasiilami meeqqat inuusuttullu amerlapput angerlarsimaffimminni toqqiissisimanartumik, isumassorneqarnermik malitassaqaarnermillu misigittinneqanngitsut. Taamatut pisarneq Kommuneqarfik Sermersuomit allangortissinnaallugu neriuuteqarfigineqarpat, inuusuttut pisariaqartitsisut ikiorumallugit Tasiilami inuusuttunik siunnersuisarnermik neqeroorutip siuarsarneqarnissaa pisariaqarpoq. Meeqqanut Ilaqutariinnullu Ingerlatsiviup taamaammat

suliatigut naliliinera imaappoq, illut tamaasa tigunissaannut Meeqqat Angerlarsimaffiat Prinsesse Margrethellu ingerlannerata tigunissaanut Kommuneqarfik Sermersooq akuersissasoq.

#### *Aningaasatigut sulisoqarnikkullu naliliinerit*

Suli soqanngilaq. Atugassarititaasut pillugit Meeqqanut Ilaqutariinnullu Ingerlatsivik isumaqatigiinniarluni aallartippoq.

#### *Inatsisitigut tunngavissaq allakkallu tunngaviusumik uppersaatitallit*

- Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq. §33
- Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. 1, 25. januaari 2019-imeersoq

#### *Ingerlariaqqinnissaq*

Tigusinissamut tunngaviit atugassarititaasullu pillugit Meeqqanut Ilaqutariinnullu Ingerlatsivik isumaqatigiinniassaaq. Atugassarititaasussatut siunnersuut inissinneqariapat ataatsimiititamut ilisimatitsisoqassaaq.

Illut tamarmik atorneqalinnginnerini ilui annikitsumik iluarsartuunneqassapput. Ilaatigut qalipaaneq perusuersartarfiillu nutaat ikkussornissaat pineqarput.

#### **Aningaasaqarnermut Allatseqarfimmit oqaaseqaatit**

Matuma siuliini eqqaaneqareersutut ingerlatsivik piumasaqaatinut tunngasunik inaarutissanik isumaqatiginninnialeruttorpoq, taamaammat Meeqqat angerlarsimaffiata Prinsesse Margrethep tiguneqarnissaanut, iluarsartuunneqarnissaanut ingerlanneqarnissaanullu tunngasut suli paasinarsinngillat.

Ingerlatsivik Tasiilami inuusuttunut ornittakkamut atugassanik 2021-mut missingersuutitigut 3,4 mio. koruuninik aningaasaliiffiqineqarpoq. Aningaasat taakku suliniummut aningaasalersuinermi ilanngunneqassapput.

#### **Innuttaasunik peqataatitsineq/attaveqatigiinneq**

Soqanngilaq.

#### **Ingerlatsivinnit allaniit oqaaseqaatigineqartut**

Oqaaseqaatinik tigusaqartoqanngilaq, kisianni Suliffeqarnermut Isumaginninnermullu Ingerlatsivik ilisimatinneqarpoq.

#### **Ingerlatsivinnit allaniit oqaaseqaatigineqartut**

Oqaaseqaateqartoqanngilaq.

#### **Ilanngussat**

Soqanngilaq.

## **Punkt 6: Taasariaqartut allat**

## **Punkt 7: Lukket**

## **Punkt 07A: Lukket**

## **Punkt 8: Imaqarniliap akuerineqarnera**

### **Beslutning**

Amaqarniliaq akuerineqarpoq nal. 15:10